

來鳳縣志

來鳳縣志

來鳳縣志序

邑有志何志乎謂志前哲之
故事則裨官優爲之謂志

聖代之典章則胥吏能述之必待
鴻儒碩彥始一修明者何也
豈不以稱古昔昭來茲將備

物垂規納斯民於範圍之中
哉故修之之法莫不恪遵成
憲縷晰條分以示明備要其
大端有二曰德曰政鑒別人
倫以昭激勸所以觀德也辨
其疆域紀其山川詳其教令

程其土宜稽其俗尚肆其物
采以謹封守而察時變所以
觀政也得其人則其德立其
政行其書可傳而亦可守非
然者擇焉不精語焉不詳其
甚者又或狃於偏私習於鄙

近多所阿附而失之濫故示
矜嚴而流於刻無徵不信不
信弗從而欲上以宏

盛世之規猷下以責斯民之則儆

不綦難哉乙丑夏余署篆斯
邑前縣林君煦齋已奉修志

之檄以將移官恐其事之不
終也而留以屬余嗚乎余以
輅材甫蒞茲土且邑自改設
以來未及百年而兩經兵燹
雖人文之漸興奈圖書之無
考而遽畀以重任則難之又

難矣竊思單父感陽晝之喻
武城留子羽之踪百里之內
豈無賢豪可與其理者急於
晉接邑士大夫時潛心詢訪
羣以何君葆山張君蓮舫對
爰造廬請謁獲領風規益深

悉其學術行誼咸孚衆望遂
欣然以爲得人而知其必能
相與有成也卽以志事與之
商訂而兩君者亦以大典不
可廢墜前徽之不可湮沒也
遂慨然分任之其於人也無

毀無譽以人物志任之幽闡
微顯而德無弗彰者何君也
其論事也有倫有要以天文
以下各志任之體明用達而
政無弗備者張君也簿書餘
暇藉資討論折衷焉以商其


去取者則余也書旣成兩君
且進有請也規爲之迹載乎
書而治忽之理存乎人疆域
志矣將何以保固之山川志
矣將何以奠安之禮樂教令
志矣將何以法守而欽承之

人民物產志矣將何以教育
而豐殖之民性曰漓而德教
靡興其治不可長也時事曰
非而政令不舉其安不可久
也因勢而利導見幾而早圖
是在有民社之責者余曰唯

朝

唯謹受教雖然風會必十年
而後變積弊非一日所能更
有土者視地方爲傳舍竊
朝廷威福之餘而玩忽將事欲求
一振興得乎此余所惓惓焉
而深愧未能者願以自勵並

鳳縣事山左李勗撰
同治五年歲次丙寅署知來
以告後之君子是爲序



來鳳縣志序

同治三年冬

映

奉

檄司鐸

來邑未遽行也識者告曰是
邑風土醕樸文教繁興其往
哉毋忽四年春抵任宰是邑
者爲蕭山林君方會議修志

竊念邑中老成之望典型之
美與夫山水人物之秀麗將
於此而覩其全也議未定以
移任保康去今明府李君蒞
縣復議興修乃或者以甲第
不勝爲嫌嗚呼甲第信美矣

不甲第豈遂以掩峻良志之
修也將爲忠孝發其光節義
壯其氣政績綜其要經術正
其趨何嘗拘於甲第哉況來
邑士多美才歷任文宗稱爲
施州之冠誠使滋培之不懈